

গণপ্রজাতন্ত্রী বাংলাদেশ সরকার
স্থানীয় সরকার, পল্লী উন্নয়ন ও সমবায় মন্ত্রণালয়
স্থানীয় সরকার বিভাগ
ইউপি-১ শাখা
www.lgd.gov.bd

স্মারক নং- ৪৬.০০.৯০০০.০১৭.২৭.০০৫.২০-৪৭৮

শেখ হাসিনার মূলনীতি
গ্রাম শহরের উন্নতি
তারিখ: ২২ জ্যৈষ্ঠ, ১৪৩০
৫ জুন, ২০২৩

প্রজ্ঞাপন

যেহেতু, সুনামগঞ্জ জেলার দোয়ারাবাজার উপজেলাধীন ১নং বাংলাবাজার ইউনিয়ন পরিষদের চেয়ারম্যান জনাব মোহাম্মদ আবুল হোসেনের বিরুদ্ধে জন্ম ও মৃত্যু নিবন্ধন বিধিমালা-২০১৮ এর ধারা-২১ অনুযায়ী জন্ম ও মৃত্যু নিবন্ধন ফিস ৫০ টাকা আদায়ের বিধান থাকলেও চেয়ারম্যানের মনোনীত ফিস আদায়কারীগণ ইউনিয়নবাসীর নিকট থেকে অতিরিক্ত ৪০০/-, ৫০০/- টাকা আদায়, ইউনিয়ন পরিষদ (হিসাব রক্ষণ এবং নিরীক্ষা) বিধিমালা, ২০১২ অনুযায়ী পরিষদের সকল রশিদ বই ইউনিয়ন পরিষদ সচিবের জিম্মায় থাকার বিধান থাকলেও ইউনিয়ন পরিষদের চেয়ারম্যান বিজ জিম্মায় রেখে রশিদ বই বিধি বহির্ভূতভাবে আদায়কারীকে বিতরণ, কর, রেইট ফি ইত্যাদি বাবদ আদায়কৃত অর্থ পাক্ষিকভাবে ব্যাংকের সংশ্লিষ্ট হিসাবে জমা করার বিধান থাকলেও নম্বর প্লেট ও হোল্ডিং ট্যাক্স বাবদ আদায়কৃত অর্থ নির্ধারিত সময়ের পর ব্যাংকে জমা করা, উপজেলা নির্বাহী অফিসারের কার্যালয়ের স্মারক নং ৫১.০১.৯০৩৩.০০০.২০.০০২.২২-৬১৭, তারিখ: ১৪/০৭/২০২২ তারিখে ৫ মে.টন জি.আর চাল মাষ্টার রোলের মাধ্যমে ১.০৫ মে: টন চাল বিতরণ এবং অবশিষ্ট ৩.৯৫ মে.টন চাল বিতরণ না করার অভিযোগে উক্ত ইউনিয়ন পরিষদের ১০(দশ) জন সদস্য কর্তৃক অনাস্থা প্রস্তাব উত্থাপিত হয়েছে এবং সরেজমিন তদন্তে উত্থাপিত অভিযোগসমূহ প্রমাণিত হয়েছে;


যেহেতু, উক্ত অনাস্থা প্রস্তাবের বিষয়ে স্থানীয় সরকার (ইউনিয়ন পরিষদ) আইন, ২০০৯-এর ৩৯ ধারা অনুযায়ী উপজেলা কৃষি অফিসার, দোয়ারাবাজার, সুনামগঞ্জ বিশেষ সভা আহ্বান করে অনাস্থা প্রস্তাবের পক্ষে গোপন ব্যালটের মাধ্যমে ১০ (দশ) জন সদস্য সম্মতি জ্ঞাপন করেছেন যা দুই-তৃতীয়াংশের বেশি;

যেহেতু, সুনামগঞ্জ জেলার দোয়ারাবাজার উপজেলাধীন ১নং বাংলাবাজার ইউনিয়ন পরিষদের চেয়ারম্যান জনাব মোহাম্মদ আবুল হোসেনের বিরুদ্ধে আনীত অভিযোগসমূহ তদন্তে প্রমাণিত হওয়ায় এবং বিশেষ সভায় অনাস্থা প্রস্তাবটি দুই-তৃতীয়াংশের বেশি সদস্যের গোপন ব্যালটের মাধ্যমে গৃহীত হওয়ায় বর্ণিত ইউনিয়ন পরিষদের চেয়ারম্যান কর্তৃক জনস্বার্থে ইউনিয়ন পরিষদের দায়িত্ব পালন করা সমীচীন হবে না মর্মে বিবেচিত হওয়ায় জেলা প্রশাসক, সুনামগঞ্জ- এর প্রেরিত অনাস্থা প্রস্তাবটি সরকার কর্তৃক স্থানীয় সরকার (ইউনিয়ন পরিষদ) আইন, ২০০৯-এর ৩৯(১৩) ধারা অনুযায়ী অনুমোদিত হয়েছে;

সেহেতু, স্থানীয় সরকার (ইউনিয়ন পরিষদ) আইন, ২০০৯-এর ৩৯(১৩) ধারার বিধান অনুযায়ী সরকার কর্তৃক জনস্বার্থে অনাস্থা প্রস্তাবটি অনুমোদিত হওয়ায় ১নং বাংলাবাজার ইউনিয়ন পরিষদের চেয়ারম্যান জনাব মোহাম্মদ আবুল হোসেনের পদটি একই আইনের ৩৫(১)(চ) ধারা অনুযায়ী শূন্য ঘোষণা করা হলো।

২। উপজেলা নির্বাহী অফিসার, দোয়ারাবাজার, সুনামগঞ্জ স্থানীয় সরকার (ইউনিয়ন পরিষদ) আইন, ২০০৯-এর ৩৫(২) ধারা মোতাবেক শূন্য ঘোষণা সংক্রান্ত গেজেট বিজ্ঞপ্তি জারির প্রয়োজনীয় ব্যবস্থা গ্রহণ করবেন।

৩। এ আদেশ যথাযথ কর্তৃপক্ষের অনুমোদনক্রমে জনস্বার্থে জারি করা হলো এবং তা অবিলম্বে কার্যকর হবে।


(জেসমীন প্রধান)
সিনিয়র সহকারী সচিব
ফোন: ০২-২২৩৩৫৩০৯৮
Email: lgup1@lgd.gov.bd


অপর পৃষ্ঠায় দ্রষ্টব্য:

স্মারক নং- ৪৬.০০.৯০০০.০১৭.২৭.০০৫.২০-৪৭৮

তারিখ: ২২ জ্যৈষ্ঠ, ১৪৩০
৫ জুন, ২০২৩

অবগতি ও প্রয়োজনীয় ব্যবস্থা গ্রহণের জন্য অনুলিপি প্রেরণ করা হলো:

- ১। মাননীয় মন্ত্রীর একান্ত সচিব, স্থানীয় সরকার, পল্লী উন্নয়ন ও সমবায় মন্ত্রণালয়, বাংলাদেশ সচিবালয়, ঢাকা।
- ২। জেলা প্রশাসক, সুনামগঞ্জ।
- ৩। সচিবের একান্ত সচিব, স্থানীয় সরকার বিভাগ, বাংলাদেশ সচিবালয়, ঢাকা।
- ৪। উপজেলা নির্বাহী অফিসার, দোয়ারাবাজার, সুনামগঞ্জ।
- ৫। প্রোগ্রামার, স্থানীয় সরকার বিভাগ (পত্রাটি ওয়েবসাইটে প্রকাশের অনুরোধসহ)।
- ৬। অতিরিক্ত সচিবের ব্যক্তিগত কর্মকর্তা, স্থানীয় সরকার বিভাগ, বাংলাদেশ সচিবালয়, ঢাকা।
- ৭। যুগ্মসচিব (ইউপি) এর ব্যক্তিগত কর্মকর্তা, স্থানীয় সরকার বিভাগ, বাংলাদেশ সচিবালয়, ঢাকা।
- ৮। জনাব মোহাম্মদ আবুল হোসেন, চেয়ারম্যান (অপসারণকৃত), ১নং বাংলাবাজার ইউনিয়ন পরিষদ, দোয়ারাবাজার, সুনামগঞ্জ।
- ৯। অফিস কপি।


(জেসমীন প্রধান)
সিনিয়র সহকারী সচিব